

# INUIT ATAQATIGIIT INATSISARTUNI



UPA2022/017

24.03.22

Hans Aronsen

## **Uunga siunnersuut: Akiliisarfik Ilanngaassivik pillugu Inatsisartut inatsisaata atorunnaarsinneqarnera pillugu Inatsisartut inatsisaat.**

(Aningaasaqarnermut, Aatsitassanut, Inatsisit Atuutsinneranut Naligiissitaanermullu Naalakkersuisoq)

Akiliisarfik Ilanngaassivik Naalakkersuisunit kissaatigineqartutut matumani inatsisitut atorunnaarsinneqarnera Inuit Ataqatigiinniik paasilluarlugu akuersaaratsigu oqaatigeriissavarput.

Inatsimillu atortussaajunnaarsitsigaluarluta Naalakkersuisut suliniutinut soorlu: akiitsoqalersarneq sioqqullugu iliuserineqarsinnaasunik aammalu akiitsunik akilersuinerni iliuusissatut pilersaarusiortarnertigut siunnersuisarnerit ingerlallualereersut siunissamut neriullualersippaatigut.

Inuttummi ilanngaassiviullu atuunneratigut akiitsunut akissaqannginneq tunngavigalugu nanertisimassutaasartut ilaqutariinnut oqimaatsorsioertitinerulersarpoq. Meerartalinnullu peqqinnartumik ineriartortussaagaluani ajornartorsiornerulersitisassasut qularnangilluinnarmat.

Aappi, ilaatigut nunani allani periutsit pitsaasutut isigisagut, nunatsinnilu atorluarsinnaasutut naatsorsuutigisagut nalilersorluagassarigivut tusarniakkat ilaasa Ilanngaassiviup atorunnaarnissaanut tapersiinnerminni oqaatigisaat isumaqatigaavut.

Nunammi sanillersuutagut kulturikkut ineriartornitsinni arlalippassuartigut assiginngilluinnaratsigit tusarniakkat ilaasa ilisimalluareerpaat.

# INUIT ATAQATIGIIT INATSIARTUNI



Naalakkersuisut inuiattut ajornartorsiutigisatsinnik paasinnilluarsimallutik suliaqalernerat nuannaarutissaavoq. Suliaq soorlu suliffissaarunnermi ikiorsiisarnissami inuttut nukittunerulernissamik peqataatitsinermillu sunniuteqartussanik aallarnissaleraat suleqatigiiffiusariaqartoq maani innersuukkusupparput.

Taamatut oqaaseqarluta siunnersuut akuersaarparput.